


白氏文集

十三



白氏文集卷第三十一

抱經堂本為三十八

中書制誥一 舊體 凡二十七首

張徹宋申錫可並監察御史制

楊子留後殷彪授金州刺史兼侍御史

河陰令韋同憲授南鄭令韋弁授絳

州長史三人同制

馮宿除兵部郎中知制誥制

鄭覃可給事中制

韋審規可西川節度副使御史中丞李

賜蓋文庫

虞仲崔戎姚向溫會等並西川判官
皆賜緋各檢校省官兼御史制

魏博軍將呂晃等從弘正到鎮州各加
御史大夫賓客等制

張平叔可戶部侍郎判度支制
李虞仲可兵部員外郎崔戎可戶部員
外郎制

牛僧孺可戶部侍郎制

庾承宣可尚書右丞制

張聿可衢州刺史制

辛丘度可工部員外郎李石可左補闕
李仍叔可右補闕三人同制

魏博軍將薛之縱等十四人各授官爵

制

裴度李夷簡王播鄭絅楊於陵等各賜
爵并迴授爵制

鄭餘慶楊同懸等十人亡母追贈郡國

夫人制

李寘授咸陽令制

劉縱授祕書郎制

程群授防州司馬制

海內刺史王元輔加中丞制

楊潛可洋州刺史李繁可遂州刺史史

備可濠州刺史制

張洪相里友略並山南東道判官同制
姚成節右神策將軍知軍事制

高錢等一十人亡母鄭氏等贈太君制

柳公綽可吏部侍郎制

孔戣可右散騎常侍制

王公亮可商州刺史制

韋覬可給事中庾敬休可兵部郎中知

制誥同制

張徹宋申錫可並監察御史制

勅舊制副丞相缺中執憲得出入御史缺

則於内外史中考覈其實封奏其名以補之今御史中丞僧孺奏某官張徹某官宋

申錫皆方直強白可申御史章下丞相府丞相亦曰可朕其從之並可監察御史

楊子留後殷彪授金州刺史兼侍御史河陰令韋同憲授南鄭令韋弁授

絳州長史三人同制

勅其官殷彪等今之郡守古侯伯也今之邑令古子男也於吏有君臣之道焉於人有父母之道焉郡邑之間承上率下者州長史也凡此之官與吾共理使吾人安而

無怨者其在吏良而政平乎金秦之郡也奏告專達得行異政以彪清平信惠臨事能守小大之職率著名績故仍憲簡俾往牧之南鄭梁之邑也上有賢帥無憂掣肘以同憲河陰有政可以移用故換銅印俾往宰之而絳爲名藩弁實良士命之贊貳亦叶其宜宜各悉心修舉三職可依前件勅吾聞武德暨開元中有顏師古陳叔達

馮宿除兵部郎中知制誥制

蘇頤稱大手筆掌書王命故一朝言語煥

成文章朕承祖宗思濟其羨凡選一才補

一職皆不敢輕易其庶幾前事乎刑部郎

中馮宿爲文甚正立意甚明筆力雄健不

浮不鄙况立身守事端方精敏而我誥命

忽思潤色之聽諸人言曰宿也可宿立朝

歷御史博士郡守尚書郎在仕進途不爲

不遇然不登茲選未足其心故吾于今歸

汝職業仍遷秩爲五兵郎中勉繼顏陳無

辱吾舉可尚書兵部郎中知制誥

鄭覃可給事中制

勅給事中之職凡制勅有不便於時者得
封奏之刑獄有未合於理者得駁正之天
下寬滯無告者得與御史糾理之有司選
補不當者得與侍中裁退之率是而行號
爲稱職固不專於掌侍奉讚詔令而已中
大夫行諫議大夫雲騎尉榮陽縣開國男
食邑三百戶鄭覃清節直行正色寡言先

封

臣之風藹然猶在自居首諫益勵謇言誇擢
領是職必有可觀亦欲天下聞之知吾獎
骨鯁之臣來諫諍之道也可給事中散官
勲如故

韋審規可西川節度副使御史中丞
李虞仲崔戎姚向雲會等並西川判
官皆賜緋各檢校省官兼御史制

勅西川曰益部地有險府有兵礙戎屏華
號爲難理故吾命文昌爲帥長俾鎮撫焉

次命審規爲上介俾左右焉又命虞仲戎
向會等爲庶寮俾咨度焉進言者謂文昌
賢而審規輩才以才佐賢蜀必理矣輟三
署吏贊丞相府假憲官職加臺郎暨一命
再命之服以遣之其於張大光榮與四方
征鎮之賓寮不侔矣爾等苟佐吾丞相以
善政聞使吾無一方之憂吾寧以遺汝於
諸侯乎爾其勉之可依前件

魏博軍將呂晃等從弘正到鎮州各

加御史大夫賓客等制

勅去年冬命侍中弘正建大將軍旗鼓移
鎮於成德軍而晃已下四十有一人實從
魏來或驅或殿被堅執銳可謂有勞宜以
宮坊之寮憲府之職隨其名秩序而寵之
可依前件

張平叔可戶部侍郎判度支制

勅故事君使臣其道不一或先勞而後受
賞或先加寵而後責功蓋宜便有後先明

事有緩急故耳朝議大夫守鴻臚卿兼御
史大夫判度支上柱國賜紫金魚袋張平
叔國之材臣也計能折秋毫吏畏如夏月
司會逾月綱條甚張况師旅未息調食方
急倚成取濟非爾而誰故自大鴻臚換居
人部造膝而授不時而遷其要無他是欲
急吾事而望倚爾功也公卿以降群有司
盈庭然問曰與吾坐而決事丞相以下不
過四五而主計之臣在焉非智能則事不

時長慶二年三月制

可成非諒直則吾難近噫職局之外得不思稱官望而厭我心乎可守尚書戶部侍郎判度支散官勲賜如故

入選李虞仲可兵部員外郎崔戎可戶部

員外郎制

勅劍南西川節度判官朝散大夫檢校尚書戶部郎中兼侍御史上柱國賜紫金魚袋李虞仲西川觀察判官朝議郎檢校刑部員外郎兼侍御史雲騎尉賜緋魚袋崔

戎等去年春朕憂西南事授丞相文昌銕鎮撫之次選郎吏有才實如虞仲輩者往贊理之故其制云苟佐吾丞相以善政聞寧久遺汝於諸侯乎今蜀政成矣蜀人乂矣是汝輩職修事舉而奉吾詔書甚謹也前言在耳安可弭忘並命爲郎主吾信賞虞仲可行尚書兵部員外郎戎可尚書戶部員外郎散官勲如故

牛僧孺可戶部侍郎制

勅戶部侍郎周之地官小司徒也掌天下
田戶之圖生齒之衆賦役貨幣之政令以
待國用以質歲成元和以還日益寵重善
其職者多登大任中茲選者莫匪正人誰
其稱之我有邦彥朝議郎守御史中丞上
柱國賜紫金魚袋牛僧孺自舉賢良踐臺
閣秉潤色筆提糾繆綱而書命無繁詞決
事無留獄受寵有憂色納忠多苦言朕心
知之何用不可夫以人會之重如彼僧孺

之賢若此俾居是職不亦宜乎可守尚書
戶部侍郎散官勲如故

庚承宣可尚書右丞制

勅朝議大夫守尚書刑部侍郎驍騎尉庚
承宣昔我太宗文皇帝嘗謂尚書丞百職
綱維事一失中則天下有受其弊者因命
戴胄魏徵及杜正倫劉洎輩繼領是職分
居左右官修事理人到于今稱之故吾前
命崔從持左綱今命承宣操右轄衆口籍

會決
政事

籍頗爲得人。況承宣端諒勤敏，周知典故，必能爲我紐。有條之綱，梶妄動之輪，坐曹得出出入郎官立朝，得奏彈御史。會政決要扶樹理本，無俾戴魏劉杜專美於貞觀中。可守尚書右丞，散官勲如故。

張聿可衢州刺史制

勅中散大夫行尚書工部員外郎上柱國吳縣開國男食邑三百戶。張聿內外庶官同歸共理牧守之任。最親吾人，蓋弛張舉

馬卒弛作施

而下馬卒衍名

馬卒也作天

馬卒寫作渢、
作渢、
盧本澈作殷

措，由其心賞罰威福懸其手。若一日失其職，一郡非其人而未達於朝聽之聞，爲害已甚矣。選授之際，得不慎也。以爾聿前領建谿，有理行次臨澈郡署，能名用爾所長副。吾所急宜輟郎署往，頒詔條來暮之聲。佇入吾耳，可使持節衢州刺史，散官勲如故。

聞乍間
也非

蘭雪亭下
左後右

辛巳度可工部員外郎李石，可尤補闕。李仍叔，可尤補闕。三人同制。

勅朝散大夫右補闕內供奉飛騎尉辛立
度等朕詔丞相永方畧忠謹之士置于左

右而楷等以石泉仍叔墨詔言其為人厚
實譽直掌以文行謀畫從容於幕府之間

臨事敢言當官能守可使東帶同舛諸朝
又言丘度介潔靜專不交勢利宜加推獎
以勸其徒况久次者轉遷後來者尊進皆
適所用下章可之可依前件

魏博軍將薛之縱等十四人各授官

蘭臺本從客
二字作平

蘭臺本從客
二字作平

爵制

勅薛之縱等去年冬授想敏俾自徐鎮路
由路入魏想與其麾下同德食不求飽席
不暇煖節制殿定一忙所卒此誠想之忠
畧然所賴之縱等焦心戮力同濟厥功而
頒賞已逾時進秩宜加等我有爵祿分而
命之知吾不遺細大之功也可依前件

裴度李夷簡王播鄭絅楊於陵等各

蘭臺本從客
二字作平

蘭臺本從客
二字作平

賜爵并廵授男爵制

永仁本末功忠易地

芳

蘭蕙本末功忠易地

蘭蕙本末功忠易地

芳

國夫人制

馬本脫鄭字

蘭蕙本末功忠易地

芳

勅禮云臣下竭力盡忠以立功於國者必報之以爵祿此言上之不虛取於下也而司空度等咸以忠力作股肱心膂之臣大節太勞書在甲令然則功即忠但是高爵重秩予何愛焉故吾於統御之初先行信賞詔主爵者合為奏書或加寵進封或延恩任子次勑等品咸以舊章行于敬之哉元季予一人之嘉命可依前件
鄭餘慶楊同懸等十人七母追贈郡

費作芳

厚人偏而美教化也可不務乎

李賈授咸陽令制

蘭臺子官吳作
上真下同

蘭臺子官吳作

勅某官李賓廷者西夷犯塞詔諸將出師
司計臣使言賓有應辦才可司餉餉故自
京府掾假臺郎憲職以命之屬冠道師施
未展其用沉在公施惟有器軀今授銅印
俾宰咸陽史庶官之理同歸撫字之任為
急西郊咫尺傍亦能聲可京兆府陽縣令

劉縱授祕書郎制

侯達登及俊
蘭臺子侯達俊

施作族蘭臺

下同

勅某官劉縱徒步詣闕上獻封章又自叙
其先臣陳許間事皆歷人可聽公侯子弟
多溺於驕邪爾能讀書學文自可嘉獎因
籍之府命爾為郎豈唯振滯未能旦不欲
使勤勞之後棟人於塵土中也可秘書省
祕書郎

程群授坊州司馬制

勅程群嘗從事於鎮冀之間病免所職書
先之歲奇為窮人集人無歸有足傷者夫

蘭臺子官吳作
張祐平及

集三

十三

就中

下夫不獲若納諸隍此聖王用心推已及物今宜與群祿食使飽暖其身亦猶晉君

不能忘情於絳先也往仇中一部余具念哉

可坊列司馬

海列刺史王輔元加中丞制

勅海列刺史王元輔漢制二千石有政績者就中加命秩不即改移蓋欲使吏久於官而人安於化也今元輔無群頗有裨名廉使上聞奏課居最宜加中憲旌而寵焉

庶使與吾共理者聞而知勸可兼御史中丞餘如故

楊潛可洋列刺史李繁可遂列刺史
史備可濠列刺史三人同制

勅朝散大夫守尚書金鄧郎中上柱國楊潛溫厚靜專有端士之操朝議大夫前使持節吉列諸軍事吉列利史上柱國李繁精彥博才敏有才子之稱將仕郎前使持節光外諸軍事守光列刺史驛騎尉史備通健才大有良史之用而能本於文字輔以政事為郎見其行為郡遂居蜀之腴濱控淮之要三者皆名郡而委之三吏得不思

名郡

蘭臺集

蘭臺集

馬牛吾作君

加故二字

勤儉教導勞來安緝膏雨吾土襦袴吾人
者乎潛可使持節洋州諸軍事守洋州刺
史散官勲如故繁可使持節都督遂州諸
軍事守遂州刺史備可使持節濠州諸軍
事守濠州刺史充團練澗口西城等事官
勲如故

散官勲如故
本列
鴻古說文

張洪相里友略並山南東道判官同
制

勅朝議郎守太常博士上柱國張洪前瀛

馬本漢作漢
漠等州都團練判官朝議郎侍御史內供
奉上柱國賜緋魚袋相里友略等元翼以
大節大忠綽聞朝野授鉞開府殿我漢南
而又求賢乞能以自參貳則其賓客宜有
以稱之故求吾俊造之英勲列之胄達朝
儀而練戎事者與焉今以洪之知國禮奉
家聲以文略之富藝文飽軍旅兩中是選
合而命之優秩寵章無所愛惜時無今古
代有忠賢苟致吾元翼於羊杜間別有陟

馬本漢作漢

漢下莫

字乍行

事乍使
散

別乍附

明之典在洪可檢校尚書職方員外郎兼侍御史充山南東道節度判官仍賜緋魚袋散官勲如故友略可檢校尚書屯田員外郎兼侍御史充山南東道觀察判官散官勲如故

姚成節右神策將軍知軍事制

勅朝議郎前使持節成州諸軍事守成州刺史充本州守捉使賜紫金魚袋姚成節嘗爲天平軍裨將當劉悟之立忠勲也謀

成事集爾有助焉雖授一城未足酬獎況聞信厚勤恪宜於爪牙肘腋間居之昔漢文帝以宋昌忠勞擢拜將軍掌離衛今吾用汝猶前志也環拱之職得不勉歟可致果校尉守右神策將軍知軍事賜如故

高鉞等一十人亡母鄭氏等贈太君

勅起居郎高鉞亡母滎陽郡太君鄭氏等予有侍臣咸士之秀者或左右以書吾言

制

盧本鉞作鉞
馬本無贈字

十八

動前後以補吾闕遺森然在庭各舉其職
爰思乃教知所從來豈非善稟於親行成
於內徙鄰斷織訓使然耶不追封邑之榮

曷顯綱家之慶可依前件

柳公綽可吏部侍郎制

勅京兆尹兼御史大夫柳公綽長吏數易
爲害甚多邇來都畿未免斯弊或苛急而
人重困或軟弱而姦不息得其中者其公
綽乎細大必躬親剛柔不吐茹甚稱厥職

惜而不遷然智者常憂忠者常勞亦非吾
以平施御臣下之道也尚書六職天官首
之辯論官材澄汰流品比諸內史選妙秩
清詢衆用能無易公綽爾宜飾躬承命以
裴王崔毛爲心苟副吾言用稱乃職而今
而後亦何往而不適哉可尚書吏部侍郎

孔戣可右散騎常侍制

勅晉齊桓公心體懈怠則隰朋侍漢武帝
親重儒術則劉向從今之常侍是其選矣

稱其任者唯正人乎吏部侍郎孔戣言行謹直風操端莊肅然禮容清廟之器始自筮仕迄于天官虛舟爲心利刃在手全才具美時論多之可使珥貂立吾左右從容侍從以備顧問隰朋劉向豈遠乎哉可布散騎常侍

王公亮可商州刺史制

勅尚書司門郎中王公亮茂於學精於文學之外有折毫刺鍾之用自佐戎律領

李平大
五牛力

郡符持憲爲郎皆稱厥職吾前命劉遵古張平叔爲商州刺史繼有善政人用乂安今爾代之守而勿失况商土瘠商人貧可以靜理而阜安不宜改張而趨數以爾精敏當自得中可商州刺史

知制誥同制

勅職之要莫先乎駁正文之選莫難於司言將使朝綱有條朕命惟允在二者得人

許
于年平年

馬李類作類

而已中大夫使持節蘇州諸軍事守蘇州
刺史上騎都尉韋覬精微專通乎事典
可使乎奏議而坐左曹朝散大夫尚書禮
部郎中上柱國庾敬休溫裕端明飾以辭
藻可使書誥命而專右席而輪轄鑿柄各
適所宜夫惟刺史守列城郎官應列宿選
任倚注非不榮重然吾左右前後方求正
人如覬敬休不宜疎遠亦猶有聲之玉無
類之珠不置於佩服掌握之間皆非其所
官勲如故敬休可尚書兵部郎中知制誥
散官勲如故

清江集

自內文集卷三十一

婚官嬪妃

官嬪破財財旨下尚書奏請取中映佛旨
事宜自婚請無添苦苦體旨各事中媒

王起賜勲制

蕭俛除吏部尚書制

溫堯卿等授官賜緋充滄累江陵判官

制

神策軍及諸道將士某等一千九百人

各賜上柱國勲制

李彤授檢校工部郎中充鄭滑節度副使

王源中授檢校刑部員外郎充觀察判官各兼侍御史賜緋紫制

柳公綽父子溫贈尚書右僕射寶侔父
叔向贈工部尚書薛伯高父憚贈尚
書司封郎中元宗簡父鋸贈尚書刑
部侍郎皇甫鏞父愉贈尚書右僕射
韋文恪父漸贈太子少保王正雅父
翊贈太子太師范季睦父彥贈禮部
郎中八人亡父同制

李宗何可渭南令李玘可京兆府戶曹

王制

白氏文集卷第三十二

抱經堂本為四十九

中書制誥二 舊體 凡三十道

李愬贈大尉制

田布贈右僕射制

韋貫之可工部尚書制

太子詹事劉元鼎可大理卿兼御史大

夫充西蕃盟會使守右司郎中劉師

老可守本官充盟會副使通事舍人

太僕丞李武可守本官兼監察御史

充盟會判官三人同制

許季同可祕書監制

張元夫可禮部員外郎制

楊嗣復可庫部郎中知制誥制

張平叔可京兆少尹知府事制

康日華贈坊州刺史制

張籍可水部員外郎制

何士乂可河南縣令制

崔植一子官廵授姪某制

兵部郎中知制誥馮宿侍御史裴注義

武軍行軍司馬御史中丞蕭籍饒州

刺史齊照鄧州刺史渾鑑並可朝散

大夫同制

太常博士王申伯可侍御史鹽鐵推官

監察御史襄行高諧河東節度參謀

兼監察御史崔植並可監察御史同

制

溫造可起居舍人充鎮州四面宣慰使

制

高芳穎等四人各刺史制

崔咸可洛陽縣令制

周愿可衡州刺史尉遲銳可漢州刺史

薛鯢可河中少尹三人同制

楊景復可檢校膳部員外郎鄆州觀察
判官李緩可監察御史天平軍判官
盧載可協律郎天平軍巡官獨孤涇
可監察御史壽州團練副使馬楂可

試校書郎涇原掌書記程晉範可試
正字涇原判官六人同制

前盧州刺史殷枯可鄭州刺史制

李德修除膳部員外郎制

張正甫可同州刺史制

崔琯宋故可職方郎中侍御史知雜制

李愬贈太尉制

勅故特進行太子少保上柱國涼國公食
邑三千戶食實封伍伯戶李愬在建中歲

換馬卒作逆
謀作謀逆

論謝

此賊叛換惟太師晟實仗大順翦而滅之

在元和朝蔡寇充斥惟爾懇實奮奇策虜

而戮之父子之功書于甲令俱爲第一焯

焯當時矧爾一登將壇六換鉞鉞坐論巖

廊之道卧理保傅之事方深倚望奄忽淪

謝是用當食累歎視朝三輶豈不以爪牙

之威缺於外股肱之痛轉於中者乎而弔

奠之命贈轉之數雖加常等未表殊恩宜

以太尉之秩贈上公之袞歛俾爾被哀榮

哀榮

服忠孝從先太師於九原也不其盛歎嗚呼羨終必復禮無不答昔爾之勤勞如彼今吾之寵飾如此君臣報施可謂兩臻其極焉爾靈有知欽我追命可贈太尉仍令所司備禮冊命賜絹二千匹布七百端米粟一千石委度支送

田布贈右僕射制

勅朕聞古之臣子有忍死効節爲忠者有不傷髮膚全歸爲孝者有不顧性命引決

敬身徇義為忠
永仁李同

禮記鄭玄注高都

南方
郁昌濱
徵居文

爲忠者但問所操所蹈何如耳豈繫去就生死之間耶噫今有重義如泰山輕生如鴻毛死而不朽者安得不褒揚寵飾使天下聞之所以勸孝心激忠腸然後薄者敦懦者立幸生者恥格也故魏博等州節度觀察處置等使起復寧遠將軍守右金吾大將軍貟外置同正貟檢校工部尚書兼

魏州大都督府長史御史大夫賜紫金魚袋布其父太尉甚賢子鎮陽之亂弘

正歿焉而布枕干嘗瞻誓報冤恥故吾以大將軍元承宣之旗鼓鉄鉞先臣之土壤士卒盡用委付親加勉諭人鬼之憤期一洩而甘心焉既而激發魏師出彊臨敵事有不得已者布亦未如之何卒至於割心自明遺疏自列謝君於天上報父於地下可謂田氏有孝子國家有烈臣則吾之知臣弘正之知子明矣聳動人聽盡傷我懷故廢臨朝可以示哀也加禮命所以示榮也哀榮

恩禮至則至矣。嗚呼，曾未足以顯爾之節。

不厭吾之心乎？可贈尚書右僕射，贈布帛。

三百段米粟二千石，委度支逐便支遣。

武宗年百五十九頃年
韋貫之可工部尚書制。

勅河南尹韋貫之善馭者齊六轡，善理者正六官，六官成則百事舉。故吾選賢任舊。

以次第補之。而六卿材吾已得五，闕一。不可待汝而成貫之以正行明誠爲先朝輔。始以直進終以直退，道有消長，德無繙磷。

待下得

及帥湘潭尹河洛，而廉平清壹之政繼聞于京師。名簡吾心善入吾耳，宜置朝右以之厚時風。况今之尚書漢公卿也，言動可否屬人耳目焉。固不專率四屬程百工備位，於冬官而已。可工部尚書餘如故。

太子詹事劉元鼎可大理卿兼御史

大夫充西蕃盟會使右司郎中劉師老可守本官充盟會副使通事舍人

太僕丞李武可守本官兼監察御史

鎮

可

充盟會判官三人同制

勅太子詹事劉元鼎等夫選可任而任之則用無不適擇可勞而勞之則事無不成蓋君使臣臣事君之大端也屬西夷乞盟求可以益之者歷選多士吾得三人今以元鼎之博通師老之誠諒武之恭敏合而爲用不亦可乎爾宜臨之以莊示之以信儀形辭氣皆有可觀必能率服彼戎不獨益敬吾使法卿憲秩寵之以遣可依前件

許季同可祕書監制

勅大理卿許季同國朝已來有劉德威張文瓘唐臨爲大理卿有魏徵虞世南顏師古爲祕書監則設官之重得賢之盛人到于今稱之今季同以明慎欽恤理刑獄以文學博雅長圖籍由廷尉而長祕府論者榮之宜自重其官自遠其道又思與劉張唐魏虞顏爲比不亦自多乎可祕書監

張元夫可禮部員外郎制

勅殿中侍御史張元夫官有秩清而選妙者其儀曹貟外郎之謂乎凡殿內御史雖文才秀出功課高等者滿歲而授猶曰羨遷有如元夫連膺二遷歷彼踐此遷以爲宜況怒飛青冥翔集禁陛由茲去者十八九焉汝知之乎思有以稱可尚書禮部貟外郎

楊嗣復可庫部郎中知制誥制勅權知兵部郎中楊嗣復朕聞前代制誥

中書令侍郎舍人通掌之國朝已來或以他官兼領惟其人是用不限於資秩職署焉予以爲然多繇是選前所命者時稱得入研實覈名次第及汝汝嗣復根於義訓播爲今器文煥發而才秀出不當汨沒於郎吏間况貞元中汝父爲中書舍人甚稱厥職今使汝繼書吾命成一家言堂構國華在於此舉爾宜兢兢祇勵無墮其名可

張平叔可京兆少尹知府事制

前後歷_府掾邑宰郡守而去思來暮之謠繼聞於人聽焉及副鹽鐵官刺商雒部會課報政亦甲於他官自貞元已來用三科取士奉詳明政術可以理人之詔而得其名有其實者幾何人哉平叔居其一也能効若是何用不臧故事內史缺未補間亞尹得行大京兆事試可而即真者往往有之

或從伊授

故其選任日益難重爾宜稱所舉慎厥職無墮大以勤小無急弱以緩強夕念朝行遵吾約束可京兆少尹知府事

康日華贈坊州刺史制

勅漢令軍中士有不幸死者得以棺斂傳送若是而已猶四方歸心矧吾褒贈以榮之惻隱以將之顯其忠撫其後亦所以激生者節豈獨慰逝者魂乎左神策軍赴行營正將試太常卿康日華領王師死王事

其或
凡已

刺乍判

寧正掌
諱乍訴

軍書置奏朕甚悼焉可贈坊州刺史

張籍可水部員外郎制

露

勅登仕郎守國子博士張籍文教興則儒行顯王澤流則歌詩作者上以張教流澤爲意則服儒業詩者宜稍進之頃籍自校祕文而訓國胄今又覆名揣稱以水曹郎處焉前年已來凡歷文雅之選三矣然人皆以爾爲宜豈非篤於學敏於行而貞退之道勝也與之寵名者何以獎夫不汲汲

於時者可守尚書水部員外郎散官勲如故

何士乂可河南縣令制

勅漢朝郎官出宰百里故今京邑令缺多命尚書郎補焉朝議郎行尚書水部員外郎何士乂慎檢和易介然有常守而勿失可使從政然能佩弦以自導帶星以自勤則緩急勞逸之間必使適宜而會理矣以爾舒退故吾進之可守河南縣令散官如故

也下邪

張籍

崔植一子官廵授姪某制

榮

猶子
毛詩註毛方助也

勅丞相植典職樞務亦既逾歲而能明我
目達我聰左右我躬以底于道况屬郊祀
攝贊大儀寵錫之間植宜加等而念其猶
子乞用推恩既叶舊章允膺新命其姪某
可某官

王起賜勲制

勅中書舍人王起等朕臨馭之始慶賞遂
行卿士大夫遞加勲秩自武騎尉以上十

有二轉自起已下十有四人咸賜以勲舉
書于籍可依前件

蕭俛除吏部尚書制

勅古者君使臣以禮臣事君以忠季代已
還鮮由茲道先皇帝創於是故在位十五
載凡解相印者殆二十人多寵爲大僚或
付以兵柄矧予小子宜有加焉而輔弼之
臣嘗經一日造吾膝沃吾心則恩與之始
終厚申恩禮不唯勸感來者且不敢失墜

加恩超等

先志也。尚書右僕射蕭俛忠肅孝敬佐吾爲理以勤事國以疾退身本末初終不失其道既免樞務倚爲右揆加恩超等復吾前言而俛繼上讓章至于三四敦諭頗切陳乞彌堅是用正命爲選部尚書而冠六卿統百職尚可以表吾寵重亦所以成爾謙光爾宜欽厥止慎厥終無忝我褒揚之命可吏部尚書

溫堯卿等授官賜緋充滄景江陵判

官制

勅溫堯卿等今之後又先辟于征鎮次升于朝庭故幕府之選下臺閣一等異日入爲大夫公卿者十八九焉荆門景域南北太府而堯卿等或已參軍要或方受兵書各命以官分試其事名秩章綬分而寵之夫千里之行始於足下苟自強不息亦何遠而不屆哉可依前件

神策軍及諸道將士某等一千九百

兵書

人各賜上柱國勲制

勅古之善爲國者勞不忘而賞不濫有賞
一人而爲僭者有千百人而不爲費者其
要在當否而已不繫於衆寡也朕自統御
已來忽忽有念念天下材力之將勇敢之
士進有征討之苦退有守捍之勤藏之中
心何嘗斃忘而亟因大慶恩洽普恩某等
若干人咸進勳級並可上柱國

李彤授檢校工部郎中充鄭滑節度

副使王源中授檢校刑部員外郎充
觀察判官各兼侍御史賜緋紫制

勅萬年令李彤侍御史王源中等舜以五
長綏四國若今之節制也周二十聯率諸
侯若今之廉察也國家合爲一柄付有功
諸侯故其陪臣選任益重或輟朝籍授簡
書者往往而有况承元有大忠于國受重
任于外使其承上莅下敬始善終實在庶
寮叶力以濟今以彤宰京邑有理劇之用

如水在器撓之不濁以源中立憲府有糾正之能如刃發硎割之無滯一可以猝戎事一可以佐輶車二職交修在此一舉臺郎憲吏金印銀章加乎爾身無忝我命可依前件

柳公綽父子溫贈尚書右僕射寶倅父叔向贈工部尚書薛伯高父惺贈尚書司封郎中元宗簡父鋸贈尚書刑部侍郎皇甫鏞父愉贈尚書右僕部郎中八人亡父同制

勅古人文格父漸贈太子少保王正雅射韋文恪父漸贈太子少保王正雅父翊贈太子太師范季睦父彥贈禮部郎中八人亡父同制

親不待而無顯揚褒贈之事則何以旌先臣德慰後嗣心乎故朕每施大恩行大慶而哀榮之命未嘗闕焉銀青光祿大夫行尚書吏部侍郎上護軍河東縣開國子柳公綽父溫等咸有令子集于中朝資父事

告其墓
永仁奉光下有少
之子

君移忠自孝本於嚴訓酬以寵名賜命追榮各高其等嗚呼存者不匱往者有知斯可以載揚蘭陔之光輟風樹之歎耳可依前件

蘭蕙本戶作

李宗何可渭南令李玘可京兆府戶

曹制

某官

得其財官

勅李宗何等夫綱一提則群目舉源一澄則衆流清故朝庭命官師選寮屬亦得其人矣按內史公綽奏宗何學古修己練達

師

馬奉理道作道理
蘭蕙本戶作
下傳天子之地
一竹杜預曰一
折方千里也
則距王城面
立里園圃至千
四畿是也

理道乃乞爲甸縣令玘勵節徇公通詳典故乞爲天府掾况渭陰封坼之守邑祠曹賦籍之要司位雖未高職亦不細宜乎以三語自試以一同自効無俾爾長貽失舉之責焉可依前件

兵部郎中知制誥馮宿侍御史裴注義武軍行軍司馬御史中丞蕭籍饒州刺史齊照鄧州刺史渾鑑並可朝散大夫同制品去步備本水自云而

千會唐外文

存

遺
永仁奉光

勅某官馮宿等凡品法之制有九自五而上謂之貴階而宿司吾言注持吾憲籍照以降皆著勤由朝議郎一進而及此此之所以爲貴者蔭子及命及妻豈唯腰白金服赤第從大夫之後而已寵數既重思有以稱之並可朝散大夫

太常博士王申伯可侍御史鹽鐵推官監察御史裏行高諧河東節度參謀兼監察御史崔植並可監察御史

諧音
又方言
詁古詁二
植下炳
金也
又方言
詁古詁二
植下炳
金也

三人同制

勅某官王申伯學優行茂飾以詞藻執禮定議多得其中某官高諧溫莊潔自不交勢利某官崔植外和內直通知政典在倫輩內而人皆謂之滯淹唯是立三子之才吾得於御史中丞僧孺御史吾耳目官也非清明勁正不泥不撓者安可使辨淑慝振紀律廣吾之聰明焉並命同升無忝是

舉可依前件

溫造可起居舍人充鎮州四面宣慰使制

勅殿中侍御史溫造嘗糾天府不曠官馳
輶車不辱命况爲人外和內決以兼濟爲
心扶居殿中以備時使會吾憂兩河間事
求可諭朝旨慰人心者使焉揆効酌能汝
中吾選故不待滿歲擢爲右史出則銜吾
命入則記吾言獎任不輕思有所立可依
前件

高芳穎等四人各贈刺史制

勅故某官高芳穎等昔文王葬枯骨之無
知也但惻隱之心不忍棄也故天下皆歸
仁焉况捐軀之魂死節之骨見危併命朕
甚悶之深州故十將高某等四人皆從戰
陣連歿王事褒贈之數宜其有加並命追
榮以光地下可依前件

崔咸可洛陽縣令制

勅度支員外郎崔咸漢以四科辟士求多

馬本併作授
憲不岡作國
作憲下作小
馬本

憲

馬本力作力

挽

略不惑，強明決斷者任三輔令。故今四京
令缺，亦擇尚書郎有才理者補之。而咸在
郎署中，推爲利用。加以詞學緣飾，更能操
割洛陽，必有餘刃。然寧大邑如烹小鮮，人
擾則疲，魚擾則餒。寬猛吐茹，其鑒于茲可。
洛陽令

周愿可衡州刺史。尉遲銳可漢州刺
史。薛鯢可河中少尹。三人同制。

勅前復州刺史周愿等：夫勞者之思休息，

病者之思救療，人之本情也。今兵戈甫定，

物力未豐，如聞湘衡也。漢之間人有疲困，

宜擇良二千石俾休息而救療之，而愿銳

鯢等前以符竹分領三郡，皆有善政。達于

朝廷，舉課考能，無愧是選。息勞救病，其有

望於汝乎？河中吾之股肱郡也，貳尹職而

佐府事者亦在得人。命鯢處之，無荒厥職。

可依前件。

楊景復可檢校膳部員外郎。鄆州觀

馬本領作鎮

永仁本平作大

巴

詔

東永仁

察判官李緩可監察御史天平軍判

官盧載可協律郎天平軍巡官獨孤

涇可監察御史壽州團練副使馬植

可試校書郎涇原掌書記程昔範可

試正字涇原判官六人同制

勅某官楊景復等士子不患無位患已不

立苟有所立人必知之惟爾等六人蘊才

業文咸士之秀者果爲賢侯交辟俾朕得

聞其姓名是用各進其秩分授以職若修

飾不已籌謀有聞則鴻漸之資當從此始而景復稟訓祇命頗著令稱故因滿歲特假臺郎古者公臣之良入補王職朝獎非遠爾其勉之可依前件

前廬州刺史殷祜可鄭州刺史制

勅某官殷祜夫吏寬信則人人不偷吏廉明則人人盡力吾觀祜之爲政其近之乎

前守廬江能率是道歲會課第甲於他州

俾精前功且佇來効宜換符竹移牧鄭人

在春秋時鄭爲侯國武公善於其職子產

遺愛於人。人無古今。吏有能否。聽吾用汝。

汝其嗣之可鄭州刺史。

李德循除膳部員外郎制

勅尚書左士郎自奏議彌綸外凡邦之牲

豆之品。醴膳之數。實糾理之命。文昌長佐
春官卿以朝散大夫守祕書丞上柱國李
德循籍訓于台庭業官于書府。揆才考第
得補爲郎司膳缺員爾宜專掌可尚書膳

部員外郎餘如故

張正甫同州刺史制

勅馮翊吾左輔也分理浩壤率先風化故
其選次任內史一等而冠四方岳牧之首
焉宜求吏課高位望重者分部共理以來
輔京師尚書右丞賜紫金魚袋張正甫自
登臺閣爲人讜直物論時望敬而重之及
領藩部爲政寬簡將吏黎庶信而愛之所
謂朝廷正臣郡國良吏常有惠政加于是一

大中大夫守
五字在尚書上
上柱國南陽縣開
因子食邑五百戶
十四字在古文下
諱直書也

蘭臺東序庚

馬奉脫左士二年

命任今
伍正泉

用乍語

邦迨茲五年去思猶在故輟臺轄再委郡
符宜敬服新命增修舊政俾吏畏如夏日
人歸如流水慎于終始典于厥官可持節
同州諸軍事守同州刺史充本州防禦使
散官勲如故

集三十一
崔琯可職方郎中侍御史知雜制事

勅近歲已來副相多缺朝綱國紀專委中
憲而侍御史一人得摠臺事事以左右之今
御史中丞德裕以中散大夫行尚書吏部
員外郎上柱國崔琯守文無害事益事惟精
在郎署中推有才理奏補是職請觀其能
因而可之仍加寵秩操執舉措爾無自輕
可行尚書職方郎中兼侍御史知雜散官
勲如故

白氏文集卷第三十二

白氏文集卷第三十三

抱經堂本為五十

冊

中書制誥三

舊體

凡二十八道

大原百居易
金澤

冊新廻鶻可汗加號文

冊廻鶻可汗加號文

韋綬從右丞授禮部尚書薛放從工部侍郎授刑部侍郎丁公著從給事中

授工部侍郎三人同制

李諒除泗州刺史兼團練使當道兵馬

留後兼侍御史賜紫金魚袋張榆可

岳州刺史同制

裴瓈授殿中侍御史制

裴通除檢校左散騎常侍兼御史大夫

充迴鶻弔祭冊立使制

元稹除中書舍人翰林學士賜紫金魚

袋制

孔戣授尚書左丞制

授柳傑等四人官充鄭滑節度推巡制

韓愈等二十九人亡母追贈國郡太夫

人制

授駱峻太子司議郎梧州刺史賜緋魚

袋兼改名玄休制

劉總弟約等五人並除刺史賜紫男及

姪六人除贊善洗馬衛佐賜緋同制

王元輔可左羽林衛將軍知軍事制

尚書工部侍郎集賢殿學士丁公著可

檢校左散騎常侍越州刺史浙東觀

察使制

鄭納可吏部尚書制

重授李晟通事舍人制

徐登授醴泉令制

王汎加朝散大夫授左贊善大夫致仕

制

元公度授華陰令制

唐州刺史韋彪授王府長史楊歸厚授

唐州刺史劉旻授雅州刺史制

鄭納烏重胤馬摠劉悟李佑田布薛平

等亡母追封國郡太夫人制

奉議郎殿中侍御史內供奉飛騎尉賜

緋魚袋盧商可劍南西州雲南安撫

判官朝散大夫行開州開江縣令楊

汝士可殿中侍御史內供奉充劍南

西川節度叅謀等制

李演贈太子少保制

李諒授壽州刺史薛公幹授泗州刺史

制

柳公綽罷監鐵守本官兵部侍郎制

崔元備張惟素鄭覃陸灝韋弘景賜爵

制

劉納授棣州刺史制

李肇可中散大夫郢州刺史王鑑朗州
刺史溫造可朝散大夫三人同制

冊新廻鶻可汗文

維長慶元年歲次辛丑四月景寅朔二十

一日景戌皇帝若曰唐有天下垂二百載

列聖垂拱八荒即叙舟車之所及日月之
序照威綏仁董罔不響化惟北之氣積厚
而靈靈發象生生爲豪傑義信武烈代爲
名王南西東方亦有君長較雄鬪智莫之
與京國朝已來篠清風澤或効功伐或申
婚媾同和協比以託于今今朕不德祇嗣
大統推義布信以初爲常矧乎柔遠申恩
睦鄰展禮茲惟舊典垂自祖宗虔奉恭行
安敢失墜咨爾九姓廻鶻君登里羅羽錄

金澤年元使字

瞬力振及
釋日也或為
字

沒密施句主錄毗伽可汗地生奇特天賜
勇智英姿所莅雄略所加諸戎雜虜愛畏
柔服風靡山立清寧一方宜人有土受天
百祿時推代嗣實來告予曰予一人實鄰
冊命是用遣使朝議大夫檢校左散騎常
侍兼少府監御史大夫雲騎尉賜紫金魚
袋裴通副使朝議大夫守少府少監兼御
史中丞襲魏國公食邑三千戶賜紫金魚
袋賈麟等持節備物冊爲登里羅羽錄沒

密施句主錄毗伽可汗於戲善必有鄰德
無不答此崇恩禮則彼竭信誠克保大義
永藩中夏昭昭天地實聞斯言

冊迴鶻可汗加號文

維長慶元年歲次辛丑某月朔某日皇帝
若曰北方之強代有君長作殷玄朔賓于
皇唐粵我祖宗錫乃婚媾五聖六紀二邦
一家此無北伐之師彼無南牧之馬兵匣
鋒刃使長子孫叶德保和以至今日咨爾

蘭草集解作
義

備乍
三作三

月元之

則元之

健乍
三作三

方乍方
平有之
日乍日
鄰乍降

可汗義智忠肅武決勇健天之所授時而後生故東漸海夷西亘山狄惠寧威制鱗

帖草偃聲有聞於天下氣無敵於荒外而

能事大圖遠納忠貢誠請仍舊姻譖嗣前

好朕惟睦鄰是務柔遠爲心既降和親之

命遂申飾配之禮禮物大備寵章有加喜

動陰山光增昴宿夫以廻鶻雄傑如彼慶

榮若此雖有貴曰天驕子未稱其盛雖自

尊曰天可汗未稱其美宜賜嘉號以大誇

將來今遣使某官某副使某官某等持節

加冊爲信義勇智雄重貴壽天親可汗於

戲釐降展親大德也進冊加號大名也宜

乎思大德稱大名懋哉始終欽若唐之休

命

韋綬從右丞授禮部尚書薛放從工

部侍郎授刑部侍郎丁公著從給事

中授工部侍郎三人同制

勅尚書右丞韋綬等朕在東宮時先皇帝垂慈聖之德念予冲蒙選端士通儒使講貫今古自禮樂刑政暨君臣父子之道博我約我日就月將俾予今不至牆面克荷丕訓大揚耿光實綬放公著之力也故朕嗣位未逾時月或自郡邸或自省署徵擢寵用爲丞郎給事官雖超拜職亦俱舉師道光而心愈讓入爵貴而心益恭宜更褒升重酬輔導以綬精粹辨博有先儒之風

可作秩宗以放端明慎重行君子之道可居憲部以公著檢敬規度得有司之體可二冬官於戲貞百工平五刑典三禮皆重任清秩子無愛焉蓋欲表二三子道不虛行而明予一人德無不報也綬可禮部尚書放可刑部侍郎公著可工部侍郎餘並如故

李諒除泗州刺史兼團練使當道兵馬留後兼侍御史賜紫金魚袋張渝

可岳州刺史同制

頤饗金肴梨栗

勅扼淮壓湘之列城曰泗與岳舟車會焉

軍戎屯焉是二郡守則易爲政先是分領者多會有政歲時罷去長吏數易人必重

困宜擇良二千石救而養之以諒自澄城

長訖尚書郎中間又再爲州牧三宰劇縣

皆苦心卹隱煦嫗及物操刃決滯壘驕有

聲而愉亦學古入仕甚自修飾河西有政

次於諒焉故命愉守岳命諒守泗仍以戎

職留事憲簡章綬一加於諒諒其聽之哉

異日吾將以重官劇職處爾爾安得不副

吾所急用爾所長更宜以難理之郡自試

爾各依前件

裴虞授殿中侍御史制

勅某官裴虞貞觀初張行成爲殿中侍御

史糾劾巡察時以爲能朕思弘貞觀之風

故選御史府官亦先其精敏則正者以爾

虞動循道理語必信直勵其志節有類行

虞餘
本云虞益

金澤本張仲良

若呼獲父
驕盧舉本作若

驕云善驕至克

莊子養生主記文

當讀爲今羽畫宋本

載宋家音不同今

誰作吉驕日本有

霍曉切出莊子六

字宋人沿集韻

所加非本自也

政故

湘江湖

成因授厥官無忝吾舉可殿中侍御史

裴通除檢校左散騎常侍兼御史大

夫充廻鶻弔祭冊立使制

勅語曰使於四方不辱君命可謂士矣况
馳輶軒奉璽書稱天子之使以耀焜絕域
者豈容易其選哉少府監裴通溫敬忠實
加之謹敏有言語可任以專對有辯識可
委以便宜屬北方君長來告代嗣求可以
將命展禮申吾哀榮之恩者其任不細頗

難其人擇臣者君而通可使命爲副丞相
而加金貂之貴授冊與節臨軒遣之庶乎
遠而有光華且欲使絕俗殊鄰益敬吾使
也可依前件

元稹除中書舍人翰林學士賜紫金

魚袋制

勅仲尼曰志有之言以足志文以足言言
之無文行而不遠故吾精求雄文達識之
士掌密命立內庭甚難其人爾中吾選尚

書祠部郎中知制誥賜緋魚袋元稹去年

夏拔自祠曹員外試知制誥而能芟繁詞

剗弊句使吾文章言語與三代同風引之

而成綸綺垂之而爲典訓凡秉筆者莫敢

與汝爭能是用命爾爲中書舍人以司詔

令嘗因暇目前席與語語及時政甚開朕

心是用命爾爲翰林學士以備訪問仍以

章綬寵榮其身一日之中三加新命爾宜

率素履思永圖敬終如初足以報我可中

書舍人翰林學士賜紫金魚袋

孔戣授尚書左丞制

勅漢詔丞相歲舉質直忠厚遜讓者蓋所

以急賢俊扶政教厚風俗也然則退藏踈

賤之士苟有一善尚搜而揚之况任久位

崇才全望重而不致於急官要職者安可

以紀綱庶政而羽儀朝庭焉正議大夫守

右散騎常侍上柱國賜紫金魚袋孔戣自

假

侍之職各於其任皆有可稱矧又貞白端莊淡然自立進無矜滿之色居無憊替之容求之周行不可多得若戮者宜尚扶政教厚風俗之選也尚書丞掌決百事樞轄六曹晉魏已還右卑於左惟有立者可以糾吏惟無暇者可以律人無以易戮往參乃位可尚書左丞散官勲賜如故

授柳傑等四人官充鄭滑節度推巡

制

勅試太子司議郎柳傑等古者公府得自選吏屬今仍古制亦命領征鎮者必先禮聘而後升聞矧鄭滑帥承元輸忠仗順炳焉有大節於國奉上蒞下實籍寮寀以左右之而傑等或緣飾詞華或貯畜才行揣摩思誠以待已知宜展籌謀用光慰薦傑可謀官充鄭滑節度推官

韓愈等二十九人亡母追贈國郡太夫人制

勅王者有褒贈之典所以旌往而勸來也。其有淑順之德標表母儀者聖善之訓照燭子道者又有名高秩尊祿養之不逮者霜降露濡孝思之罔極者非是典也則何以顯其教而慰其心焉國子祭酒韓愈母

金匱本心作公
李詩王之憲
傳曰一追也
音徐居及

華族

某氏等蘊德累行積中發外歸于華族生此招人爲我蓋臣卒由茲訓教有所自恩不可忘是用啓郡國之封極哀榮之節嗚呼歿而無知則已苟有知者則顯揚之孝

蓋才及反

是乍吾
永仁本同

追寵之榮可以達昊天而貫幽冥矣往者來者監予心焉可依前件

授駱峻太子司議郎梧州刺史賜緋魚袋兼改名玄休制

勅某官駱峻桂林守土臣式方言梧爲要郡兵後人困乞廉貞吏以撫之又言峻守道抱器可以起用朕方思良吏以活元元適副所求即可其奏官寮郡印命服嘉名四者與之足爲優異峻宜副所舉慎所爲

多詳亦切要
六曲堂集

貞生白
三字序

魚袋兼

無以滋章爲聰明無以鹵莽爲高簡勉率中道往安梧人可梧州刺史

劉總弟約等五人並除刺史賜紫男及姪六人除贊善洗馬衛佐賜緋同

制

勅某官劉約等惟爾先父太師濟經武秉招爲國元臣鎮陽之役實歿王事茂勲大節書于旂常惟爾兄司空總象賢纂戎以續名業納忠于王室振耀其家聲而爾約

等亦能稟守其風忠恭孝友念其義方訓而
而不墮居貴介之地而不驕况兼器能皆可任用授郡符而加命服者五昇朝序而
佐環衛者六朱轡紫綬煥赫相望勲德之
家於斯爲盛嗚呼昔武子有遺愛晉人憐
其子趙季有篤行漢朝寵其弟今以濟之
仗順積善宜鍾慶於子孫以總之輸忠立
愛可延賞於弟姪多與爵祿予無惜焉欲
使天下知爾父兄忠順之若彼而國家報

施之如此可依前件

王元輔可左羽林衛將軍知軍事制
勅國家設十二衛猶漢之有南北軍而左
右羽林尤稱親重自諸衛而移鎮者謂之
更遷左神武將軍王元輔生勲伐之家通
護建章備巡警而嚴羽衛大將軍事假而
行之宜勵初終副茲寵任可依前件

尚書工部侍郎集賢殿學士丁公譽

可檢校左散騎常侍越州刺史浙東
觀察使制

勅古者通守守土刺史按部從宜務簡今
則合之故任日崇而選日重非廉平簡直
兼愷悌之德者曾不足中吾選焉某官丁
公著嘗以學行禮法誨予一人報德圖勞
連加寵擢起曹書殿兼而委之二職增修
三命益敬朕以浙河之左抵于海隅全越
奧區延袤千里宜得良帥俾之澄清往分

可有之
也

吾憂無出爾右假左貂而帖中憲操郡印而握兵符勉哉是行佇聞報政可依前件

鄭絅可吏部尚書制

勅天官太宰秩序常尊自昔迄今冠諸卿首非位望崇盛者不可以處之而朕即位已來凡命故相領者三矣迨此而四可不重乎東都留守防禦使檢刑部尚書兼御史太夫滎陽縣開國公鄭絅有邴吉之寬裕子產之恭惠合而爲用藩輔四朝故事

遺愛留于官次國之都府半在東周委以保釐人安吏肅重煩耆德入領冢卿昔魏用崔琰毛玠典吏曹一時之士以廉節自勵國朝以宋景李乂掌選部亦能遏絕訛僞振張紀綱官無古今得人則理吾言及此欲爾繼之可吏部尚書

重授李晟通事舍人制

王府誥

勅李晟昔管仲云升降揖讓進退閑習臣不如隰朋今通事舍人近此選也而晟常

金闕本訛鴻作
謂託是也

盧云景當作環

之有之
常生者

謁
傳
金
元
之
訛

中此選善於其職故相導通奏之節宣揚
拜起之儀引而贊之不聞失禮既終喪紀
宜服官常可使東帶曳裾爲吾謁者可通
事舍人

徐登授醴泉令制

斷雪不斬作
勅徐登京兆尹言登前爲涇陽令清廉簡
直奉法愛人請補醴泉再考其績昔子路
理蒲仲尼誨曰愛而恕可以容困溫而斷
可以抑姦今醴泉人與蒲相類宜用此道

往訓養之歲時之間期於報政可醴泉縣
令

王汶加朝散大夫授左贊善大夫致
仕制

勅王汶善修其身爲時良士善訓其子爲
國憲臣況以時制之年知終請老不加優
秩何厚吾風禮大夫七十而致仕故吾以
朝散贊善二大夫之爵加乎爾身惟秩與
年兩皆得禮以茲退去亦足爲榮可依前

件

元公度授華陰令制

勅元公度吾欲理化萬方故自近始前授太宗正朔印綬使牧華人翻能副吾此心選吏責課言公度廉明有守乞宰華陰當道東西往來先是爲邑者多飾厨傳舍奉賓客以沽名譽而不親吾人爾能革之足爲良宰敬長畏法無慢乃官可華陰縣令

唐州刺史韋彪授王府長史楊歸厚

授唐州刺史劉旻授雅州刺史制

勅韋彪等善官人者先考其能然授以事使輪轅鑿柄各適其用則群職庶政得以交修今以彪宦久年高勤於爲政俾從優逸入補王宮以歸厚文行器能厚在巴峽勵精爲理績茂課高區區萬州豈盡所用且移大郡稍展奇才以旻早著戎功通詳吏事西南物土罔不周知習俗從宜宜守嚴道分命以職各用所長庶乎咸修乃官

同底于理可依前件

鄭納烏重胤馬惲劉悟李佑田布薛平等亡母追封國郡太夫人制

勅經曰立身揚名以顯父母孝之終也而綱等學文武之道以飾厥躬可謂善立身矣居將相之位以光大其門可謂能揚名矣夫自家所以刑國本立而後道生必待我哀榮之恩方成爾始終之孝是用啓封追號各顯乃親慰後光前孝道備矣可依

前件

奉議郎殿中侍御史內供奉飛騎尉賜緋魚袋盧商可劍南西川雲南安撫判官朝散大夫行開州開江縣令楊汝士可殿中侍御史內供奉充劍南西川節度叅謀四人同制
敕官如故或本有

士之束髮立身爲知已用也無遠邇無逸

勞但問所務者何從者誰耳今蜀之帥潞之長皆勤於述職妙於揅賢多得其隽才樂告以善道故以參其選焉或從事有勞或即戎奔命輶玄黃之著述振銅墨之滯淹以良士而贊賢侯宜乎多成功而鮮敗事矣勉思所立各服乃官

李演贈太子少保制

勅夫生立勲勤下以忠事上也歔加褒飾上以義答下也忠義臻其分哀榮極其恩

而君臣之道全矣故奉天定難功臣開府儀同三司檢校兵部尚書兼左衛上將軍御史大夫李演忠信以爲幹義勇以爲器器與幹合鬱成將材故出長諸侯入統七葉拊循警衛朕甚賴之方深倚仗遽此淪謝茲予所以當寧興念廢朝軫懷聞鼙鼓而長太息者也追崇之命宜有加焉可贈太子少保

李諒授壽州刺史薛公幹授泗州刺

事乍畢
可休前
件此寫
有之

所有之

史制

勅泗州刺史李諒等詩云，愷悌君子人之父母，朕三復斯言，往往興嘆，安得循吏俾父母吾人乎。吾前命諒爲泗守，未即路會壽守植卒，因改諒守壽，命公幹守泗。諒之理課前詔詳矣。公幹自尚書郎連領二郡政平法一甚便於人，加以有理戎之材可付留事，故輟軍保仍憲秩而兼寵之夫壽與泗皆郡之大者也。諒與公幹皆二千石。

之良者也。以大郡委良吏，不亦宜乎。噫諒無忘澄城之理，公幹無替毫城之政，則愷悌之化吾有望於二郡焉。諒可壽州刺史，公幹可泗州刺史。

柳公綽罷監鐵，守本官兵部侍郎制。勅某官柳某昔先皇帝知爾有材，元和已來應用不暇，及領擢管漕運之務，屬陵寢郊丘之禮財給事集時，乃之功，宜有轉移，以均勞逸，况聞牢籠無遺利，課督有常規。

本職

今詔刑部尚書播代之亦令守而勿失朕
將興理化先務根本凡百職事悉歸有司
惟茲夏官實掌戎政簡稽調補今方其時
司馬貳卿佐乎邦國是爾本職無忘增修
可守兵部侍郎

崔元備張惟素鄭覃陸瀍韋弘景賜

爵制

勅崔元備等禮尊重於復土事莫大於慎

終使朕以孝敬之誠獲貢于先帝實賴左

右侍從之臣服勤祇事展四體而一心誠
俾予無悔賞不敢忘爵不敢愛爾宜疏封
服命而揚之可依前件

劉約授棣州刺史制

勅前齊州刺史兼御史中丞劉約故太保
濟之子太尉總之弟也吾常思濟之功總
之忠而嘉約之謹厚累遷至齊州刺史在
官無敗事罷秩有去思念舊錄能宜當寵
用况公侯之後約有通才封域之間棣爲

永平本命下有時之字

永平本命下有時之字

永平本命下有時之字

前
第
源
之

謁
信
有
之
永
平
本
命
下
有
時
之
字

要郡委之共理誰曰不然可使持節棣州
諸軍事棣州刺史依前御史中丞散官勲
如故

李肇可中散大夫郢州刺史王鑑朗

州刺史溫造可朝散大夫三人同制

勅朝請大夫使持節澧州諸軍事澧州刺
史上柱國賜紫金魚袋李肇等乃者李景
儉使酒獲戾而肇等與之會合飲失於檢
慎宜有所懲由是左遷分爲郡守今首坐

者既復班列緣累者亦當徵還但以長吏
數易其弊頗甚况聞三郡皆有政能人方
便安不宜遷換故吾以采章階級並命而
就加之蓋漢制進爵秩降璽書慰勞良二
千石之旨也爾當是命得不勉哉

盧元輔可吏部郎中制

勅六官之屬外降隨時移吏部郎班秩加諸曹之上歷代迄今未嘗改也則
其典職之重選用之精可相失行州刺史盧元輔深於文敏於行加以刺史之
利潤瞻之明辨而用之無往不盡運璽大郡至千三百州記制令望及直聲回
伊厥司隸之操制選曹郎轉用不疑方嚴行楊乃職可尚書吏部郎

鑑餘後又年加
也今作鑑
馬本鑑下街可字
朗作郎
馬今澧作澧下同

使酒見毫
李布傳之

會元

子有之

會昌四年五月二日夜奉寫。日本國僧惠等上人寫此本。旦緣急。
卷夜間睡夢用筆都不堪任。且充草木了。皆疏書之。內題文。

晚作紙

白氏文集卷第三十三

金澤本元白
氏二字

貞喜三年四月十八日唯寂正書畢了。

貞永二年正月五日校合了。同十七日未了。

同二月廿八日重點了。右金吾校尉原奉重

嘉祐二年三月廿六日比校唐本記。

建長四年正月十九日傳下賣所之舊本重移點了。

宋一卷後序所載以金澤文庫古抄本。天保甲午十一月壬寅
與村尾點對校便讀。

110X
430
30